

Varðandi efnisnám í landi Teigarhorns.

Í Aðalskipulagi Djúpavogshrepps 2008 -2020 var gert ráð fyrir efnistökusvæði austan Búlandsár í sjávarkambi rétt innan við Seltanga, við svokallað Græfulón. (Náma 31)

Efni úr þessum sjávarkambi hefur verið nýtt af íbúum á Djúpavogi áratugum saman án þess að valda nokkrum skaða á svæðinu sem um ræðir.

Við Aðalskipulagsbreytingu sem samþykkt var 16.11.2017 var náma þessi færð í uppdrætti og lýsingu vestur fyrir Búlandsá en þar hefur ekki verið efnisnám í ein 30 ár og því virðist sem um mistök hafi verið að ræða.

Síðasta var tekið efni í umtalsverðu magni u.þ.b. 1.400.- rúmmetrar árið 2004 á mjög stuttu tímabili þegar byggð var spennistöð á Teigum fyrir Rarik, en algengt var í byrjun aldarinnar að tekið væri um 5-600 rúmmetrar á ári í hin ýmsu verkefni á Djúpavogi.

Heimastjórn telur það mikilvægt að íbúar og fyrirtæki hafi aðgang að góðu efni til að nýta í hin ýmsu verkefni innan byggðarlagsins og vill að það verði skoðað hvort ekki megi opna námu þessa á nýjan leik.